



U izdanju Univerzitetske knjige u Sarajevu iz štampe je izašao udžbenik "GEODEZIJA" autora:

dr. Nihad Kapetanović i  
dr. Faruk Selesković,

profesora na Geodetskom odsjeku Građevinskog fakulteta u Sarajevu.

Sudeći po sadržaju i kompleksnosti obrađene materije, ovo je prvi udžbenik iz ove oblasti štampan u Bosni i Hercegovini.

Na 428 strana udžbenika autori izlažu materiju vezanu za osnovne geodetske pojmove, geodetske instrumente i pribor, metode mjerenja, elementarna znanja iz statistike, metode analitičke i grafičke obrade mjerenih veličina, topografske karte, osnove inženjerske geodezije i osnove fotogrametrije. Pristup izlaganju materije je klasičan sa dobro izbalansiranim metodskim cjelinama. Obogaćen je brojnim numeričkim primjerima, te grafičkim priložima, važnim za lakše razumijevanje izložene materije. Pored zaista detaljno obrađenih klasičnih metoda geodezije autori su ukazali i na metode i instrumente iz domena tzv. novih tehnologija.

Udžbenik je namijenjen studentima negeodetskih fakulteta, prvenstveno studentima arhitekture, građevinarstva i šumarstva, međutim zbog svog bogatog sadržaja može biti koristan i studentima geodezije u okviru tematike koju obrađuje, geodetskim stručnjacima u praksi, kao i svim drugima koji se u svom radu susreću sa geodezijom.

Udžbenik je štampala Studentska štamparija Univerziteta u Sarajevu, pod oznakom ISBN 9958-44-040-7, a može se nabaviti u prodavnici štamparije po cijeni od 30 KM za pojedince, odnosno 50 KM za ustanove i radne organizacije.

*Eldin Donlagić*